

Cingbinj Dwg Muzbyauh Cizlieng Yienh Daegsaek

精品是目标 质量显特色

——Geiq Gij Hong Cuengh Gun Song Saw Vah Sonhag Ginhcough Si Ginhbwzgi Nazmungz Cin Bwngzsanh Siujyoz

□ bonjbauq gicej Cinz Yungj Cau Dwzfeih



▲ Hagseng nyinhcaen dingqgoq.



▲ Hagseng camgya daengx gih siujhagseng dungxcaiz biuj-yienj.

◀ Ginhbwzgi Gozduj Swy-yenzgiz ganbu daeuj hagdangz vih hagseng hwnj dangz goq ancienz gyauyuz.



▲ Lauxhangz gyauyuzgiz vih hagseng hwnjdangz.



▲ Hagseng camgya Ginhbwzgi sij saw doxdax.



▲ Seiz hwnjdangz, hagseng cingq nyinhcaen geiq bitgeiq.

Ginhcough Si Ginhbwzgi Nazmungz Cin Bwngzsanh Siujyoz bi 1954 haindung banh. Ndaw hag laeb miz aen youwzyenz daban he. Seizniex hagdangz miz hagseng 278 boux, 7 aen ban, lauxsae 12 boux, ndawde siujyoz gaugap lauxsae 8 boux, bwnjgoh yozliz lauxsae 4 boux, conhgoh yozliz lauxsae 7 boux.

Aen hagdangz neix ndaej dingh baenz Cuengh Gun song saw vah sonhag saedniemh siujyoz gvaqdaej, mboujduenh gyalag gyauyuz gajgwz, cienzmienh hengzguh suciz gyauyuz, cugbough guhbaenz gij lohnaemj guhhong "ndaw giengz suciz, giengz-vaq guenjieix, daezsang cizlieng", lozsiz gij fuengcim sonhag "aeu Cuengh guhcawj, Cuengh Gun giethab, aeu Cuengh coi Gun, Cuengh Gun cungj rox", aeu gungganq ok cienzmienh hwnghat hagseng guh muzbyauh.

Hagdangz giendingh aeu hong Cuengh Gun song saw vah sonhag "cibroek cih" fuengcim guh sonhag sonyinx fuengcim, roengzrengz damqra Cuengh Gun song saw vah sonhag fuengfap habngamj saedcaeq bonjdieg, nyinhcaen cunggez Cuengh Gun song saw vah sonhag gingniemh, haiguh gak cungj Cuengh Gun song saw vah sonhag hozdung. Yawjnaek Cuengh Gun song saw vah lauxsae yezvu beizyin. Haiguh Cuengh Gun

song saw vah lauxsae beizyin hingzik lai yiengh, doenggvaq lai cungj roenloh hawj hagdangz Cuengh Gun song saw vah sonhag cizlieng mboujduenh daezsang.

Hagdangz aeu minzcuz vwnzva nabhaej gocwngz, naek youq gwnz dangz sonhag. Baujcwng minzcuz vwnzva gyauyuz gocwngz seizgan anbaiz, dangzgoq Sawcuengh roix-doeng hagdangz minzcuz gyauyuz daengx gocwngz. Cungfaen leihyungh bonjdieg minzcuz vwnzva swyenz, cujiz haiguh minzcuz vwnzva maenhndei haiej hagdangz hozdung, doidoengh dangdieg fwen ndaw-biengz, gofoux ndawbiengz, conzdung diyyuz hozdung haiej godangz. Gaem ndei youqgaenj ngoenz geiq-nienh, minzcuz conzdung ngoenz-ciet, cujiz haiguh go minzcuz doxgiet cienzcienq, minzcuz gofoux yienjok, saujsu minzcuz daegsaek vwnzva baijyienj daengj vwnzdij hozdung hingzik lai yiengh, yienq gyoengq hagseng cungfaen baijyienj gak cuz yinzminz doxgiet caemhsim, caezcaux gij yienghsiengq cingsaenz huzndei. Cungfaen leihyungh gyaiez guek cuji gyauyuz gihdi caeq minzcuz doxgiet cinbu gyauyuz gihdi haiguh ciendaiz gyauyuz caeq saedhengz hozdung. Hagdangz mboujduenh cunggez banhhag gingniemh, dingh ndei cauxmoq gihci, gyagiengz beizyin doih lauxsae minzcuz gyauyuz, haiguh minzcuz doxgiet gyauyuz sonhag yenzgiu caeq sonhag doxgyau, daezsang minzcuz doxgiet gyauyuz cimdoiqsingq, gohyozsingq, saedyauqsingq.

Baengh goqdaez yenzgiu caux daegsaek hagdangz. Hagdangz Cuengh Gun song saw vah sonhag goqdaez yenzgiu aeundaiz itdingh yaugoj. Youz gyauyenzzyenz gyauyuz-giz Cuengh Gun song saw vah daiq

doih, hagdangz Cuengh Gun song saw vah lauxsae gaenxmaenx bauq sigaep goqdaez yenzgiu, 《Gij Yenzgiu Saedyungh Sawcuengh Sonhag Saedhengz "Aeu Cuengh Coi Gun"》 goqdaez youq 2015 nienz 5 nyied swnhleih guhsat. Baengh goqdaez yenzgiu, cauxlaeb minzcuz vwnzva gyauyuz daegsaek hagdangz, aeu beizyin hagseng saedhengz, cauxmoq naengzlig, daezsang hagseng yinzvwnz suciz, swncienz minzcuz vwnzva maenhndei, gyagiengz minzcuz miznaj guh diemj youqgaenj gyauyuz sonhag, hawj hagdangz caen aeu minzcuz vwnzva gyauyuz guh gij youqgaenj habbaenz bouhfaenh hagdangz gyauyuz sonhag.

Ginggvaq lai bi roengzrengz haenq guh, hagdangz youq Cuengh Gun song saw vah sonhag fuengmienh aeundaiz cingzcik gig ndei. Vangz Bozcauz, Vangz Gizyinh, Lij Cingyiz daengj doengzhag ndaej bi 2015 haggeiz cin daengx cin cingzcik baizmingz itdaengjciengj. Veiz Seiz-meiz doengzhag ndaej bi 2015 daengx gih Vahcuengh biucinj dungxcaiz biujyienj samdaengjciengj. Fangh Haijcinh lauxsae ndaej bi 2015 haggeiz cin Nazmungz Cin sonhag cingzcik samdaengjciengj. Vangz Siujlanz lauxsae ndaej 2013—2014 haggeiz nienzdoh Ginhbwzgi Gyauyuzgiz hong sonhag ngeih-daengjciengj, Banh Gveigyauh lauxsae ndaej Nazmungz Cin lauxsae maenhndei cwnghueh, Luz Gvanghbinh lauxsae ndaej 2014 nienzdoh Ginhbwzgi bouxvunz senhcin, Luz Gvanghyenj lauxsae ndaej bi 2015 daengx gih Vahcuengh biucinj dungxcaiz biujyienj sonyinxciengj. Lauxsae sij Cuengh Gun song saw vah sonhag lunvwnz ndaej ciengj sigaep doxhwnj geijcib bien, hagdangz song saw vah sonhag miz bouhloh haiguh.



▲ Lauxsae hwnj dangz Cuengh Gun song saw vah.